

## **Tiwei Jon Kewisik - 3** **Menmen me tiwei ik**

Jon katip mitik Gaias gude 1:1-4

Jon kewenipi Gaias me menmen eyaaim hirak  
kiriakem 1:5-8

Jon kene mitik Daiotrefis 1:9-10

Jon kewenipi Demitrias me menmen eyaaim  
hirak kiriakem 1:11-12

Jon katip him mikaru 1:13-15

<sup>1</sup> \*Hi mitik iuwe ke mit ne weiwik me God, hi hewis tiwei ik ken ti Gaias. Hi han tewenit iuwe. <sup>2</sup> Ti kai yaaik hi hanhan God kakikepit te ti ehu werek werek me menmen ti hirakem. Hi hanhan ti yink kit kaku werek kar ke himin kit kepu werek werek, ti hises God. <sup>3</sup> \*Hi hertei menmen ti hisesim hentar nai yinan han nan netpo ti hises him me Kraais werek werek. Hekrit hekrit ti hises menmen yaaim mar ik. <sup>4</sup> Menmen ham ti hirakem hiram menipa hi han yaaik. Ti hises God werek werek te menmen im menipa hi han yaaik wisenuk.

*Mit natip Gaias hirak yaaik kiriak menmen yaaim*

<sup>5</sup> Ti kai yaaik, ti hirak menmen yaaim me God. Ti naanmipre mit nerer wit wit kerek newepyapir him me God. Ti hetari ninaan mir te ti epei hekepi. <sup>6</sup> \*Naiu yinan han hir pike nan in natip haiu mit in ne weiwik me God hir netpai

---

\* 1:1 2Jo 1    \* 1:3 2Jo 4    \* 1:6 Ta 3:13

ti epei hekepi. Hi hanhan ti wen ekepi ewetir menmen me wi hir naninen te hir nanino nanrer wit wit nanwepyapir him me God. Menmen mar im ti erekyorem mamnip God han yaaik. <sup>7</sup> \*Hir ninaaiwir wit kir ik nen newepyapir him me Krai te hir ap nari menmen miutip me mit hir nises him me God au. <sup>8</sup> Te haiu hiras emkepi naanempror te haiu mamtikeri mamriak menmen miutip me him me God.

### *Him me Daiotrefis ketike Demitrias*

<sup>9</sup> Hi hewis him mau tiwei hesiuwerek ken mit ein ne weiwik me God. Te Daiotrefis hirak hanhan kakin in mit naanmamri. Hirak ap kemtau him mai kisesim au. <sup>10</sup> Maain hi anen arit, hi ewepyapir menmen hirak kiriakem. Hirak kesiuwe him weinim katip haiu mit in enum enum. Te im keremem au. Hirak ap kari naiu yinan han newepyapir him me God kewisi nen winak kirak au. Te mit han hir hanhan nanwisi nanikre winak kir, hirak keweni. Hirak keweni keriyen au, hirak kepri nenpin nekeipin winak mit nererik newenipi God neitak.

### *Demitrias kiriak menmen yaaim keremem*

<sup>11</sup> \*Kai yinak ti eriak menmen enum ehisesim au emit! Ti eriak menmen yaaim ehisesim keremem. Keimin kiriak menmen yaaim kisesim, hirak mitik ke God. Keimin au, hirak au. <sup>12</sup> \*Mit yapirwe in hir natip Demitrias hirak yaaik. Him hirak kewpyapirem hirekes kisesim. Haiu mit in matip hirak yaaik. Ti hertei menmen haiu metpiyem hiram yaaim.

---

\* **1:7** 1Ko 9:12, 15    \* **1:11** 1Jo 3:6-10    \* **1:12** Jo 19:35

*Him ham hiram mikaru*

<sup>13</sup>\*Hi hanhan etput him yapirwe te hi hinapen ewisim mau tiwei ik au. <sup>14</sup>In ek hi anen arit te hawir watipakit menmen. <sup>15</sup>Hi hanhan ti ehu werek werek. Nit yinan in netput nar ik: “Ti yaaik.” Ti atip naitu yinan ein “Hir yaain.”

*Mepir keremem*

---

\* **1:13** 2Jo 12

**Him Yaaim Me God**  
**The New Testament in the Au language of Papua New**  
**Guinea**  
**Nupela Testamen long tokples Au long Niugini**

copyright © 1992 Wycliffe Bible Translators, Inc.

Language: Au

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-12-03

---

PDF generated using Haiola and XeLaTeX on 21 Feb 2024 from source files dated 31 Aug 2023

4e85f348-3df4-5add-b32a-49bcafe3752a